

TLHOKOMELO YA MAEMO A HAO A HO IKOBELA TEFO YA LEKGETHO LE SARS

Ke sefe se setjha?

4 Pudukwana 2019 - Ho ntshuwa ha Setifikeiti se Pakahatsang Tefo ya Lekgetho (TCC) ho fihlile pheletsong ka la 4 Pudukwana 2019. Haesale ho qalwa ka mokgwatshebetso o motjha wa Maemo a Boikobelo ba Tefo ya Lekgetho (TCS) ka 2015, re ile ra hlokomedisa hore TCC e printilweng e tla fihla pheletsong haufinyane. Di-TCC tsohle tseo ha jwale di ntseng di le teng di tla kginwa. PHINI ya TCS e o kgotsha ho fana ka tumello ya hore mokga ofe kapa ofe wa boraro (mokatlo kapa mmuso) ho boha maemo a hao inthaneteng ka eFiling. E tla fana ka setshwantsho sa hao ka kakaretso sa maemo a boikobelo ba tefo ya lekgetho sa letsatsi leo le nako eo. Ho sireletsa sephiri sa lesedi la molefalekgetho, ha ho lesedi le leng ntle le lena le tlang ho fumaneha ho mokga wa boraro.

Ke eng?

Boitekong ba rona bo tswelang ba ho ntlafatsa boikobelo le ho nolofaletsa balefalekgetho merero ya bona ya lekgetho, Ditshebeletso tsa Lekgetho tsa Afrika Borwa (SARS) di qadile ka mokgwatshebetso o ntlafetseng wa Maemo a Boikobelo ba Tefo ya Lekgetho.

Ka ho ikobela lekgetho le 'ho lefa seo o lokelang ho se lefa' ha se a lokela wena feela empa se boela se ba le kabelo kgolong e ntle ya ikonomi ya naha ya rona mme sena se tswela Mafrikaborwa ohle molemo.

Mokgwatshebetso wa TCS o fumaneha bakeng sa dikopo tsena tse latelang:

- Ho ba dibukeng tse ntle
- Thenda
- Alawense ya Matsete a Matjhabeng
- Bofalli

Ho etsa kopo ya TCS ya hao, o ka fumana mokgwatshebetso wa TCS ka ho kgetha TAX STATUS menyung o ho eFiling kapa ka ho etela lekala la hao le haufi la SARS. Ebang o na le dipotso dife kapa dife tse ding, ka kopo ikopanye le SARS Contact Centre ho 0800 00 7277.

Se etsetswa eng?

Mokgwatshebetso ona o motjha o tla nolofaletsa balefalekgetho ho fumana Maemo a bona a Boikobelo ba Tefo ya Lekgetho (TCS) ka metjha e latelang:

- Ka inthanete ho [eFiling](#)
- ka ho etela [lekala la SARS](#).

PHINI ya TCS e tlameha ho sebediswa ke mekgwa ya boraro e dumelletsweng ho netefatsa boikobelo ba hao inthaneteng ka tshebediso ya SARS [eFiling](#).

Ho bohlokwa ho hopola hore maemo a boikobelo ba tefo ya lekgetho ka molefalekgetho ha se ntho e dulang e le nqa e le nngwe mme bo fetoha ho bapa le ho ikamahanya ha hae le ditlhoko tsa lekgetho.

Ke lokela ho etsa eng?

Ka lebaka leo, hore o dule o le boikobelong bo botle ba tefo ya lekgetho o tlameha ho netefatsa hore:

- Ha o na dikgutliso dife kapa dife tsa lekgetho tse leng morao
- Ha o kolote SARS tjelele efe kapa efe ntle feela ebang o entse ditlhophiso tsa tefo kapa ho dumellanwe ka ho fanyehwa ha tefo.
- O ingodiseditse dihlahiswa kaofela tseo o lokelang ho di lefella lekgetho

- Dintlha tsa hao tsa boingodiso ke tsa moraorao tjena [Ho fumana lesedi le leng le mabapi le ka moo o ka ntjhafatsang dintlha tsa boingodiso ka teng, tobetsa mona.](#)
- O lokela hore o be o kopantse (ka Merge tool e ho eFiling) kapa o tsebahaditse (foromong ya ERC01 e teng le eo e leng karolo ya motjha wa TCS ho eFiling) dintlha tsa hao kaofela tsa dinomoro tsa hao tsa referense ya lekgetho. [Ho fumana lesedi le leng le mabapi le Merge, tobetsa mona.](#)

Mokgwatshebetso o motjha wa TCS o laolwa ke tshebetso ya "My Compliance Profile (MCP)". MCP e neha balefalekgetho monyetla wa ho boha maemo a bona a boikobelo ba tefo ya lekgetho inthaneteng ho ya ka SARS hore ba tle ba tsebe ho lokisa ho se ikobele hofe kapa hofe ho ka bang teng. Ho thakgolwa ha MCP ho thusa balefalekgetho ka ho ba neha lesedi le eketsehileng mabapi le boikobelo ba bona ba tefo ya lekgetho mme mokgwa ona ke ona o nkelang mokgwa wa jwale wa TCS sebaka (mohlala bakeng sa Thenda kapa Ho ba Dibukeng tse Ntle le tse ding).

Ho fumana lesedi le fetang lena mabapi le metjha ya maemo a boikobelo ba tefo ya lekgetho etela dihokedi tsena tse ka tlase:

- [Mokgwa wa ho fumana "My Compliance Profile" \(MCP\) ka SARS eFiling](#)
- [Mokgwa wa ho kopa Maemo a hao a Boikobelo ba Tefo ya Lekgetho](#)
- [Mokgwa wa ho netefatsa Maemo a Boikobelo ba Tefo ya Lekgetho](#)

O hloka thuso?

Letsetsa SARS Contact Centre ho 0800 00 SARS (7277) kapa etela [lekala la hao le haufi la SARS.](#)